

# Lieder & Verse

## Bi Waudusflüg

Föhre, Eiche, Tanne  
Chömet aui da ane,  
si mr aui da?  
de chöi mr itze ga



Ig bi s'Zwärgli Zipfumütz  
mit em rote Nasespitz  
mit em Bart so wiiss wie Schnee  
gumpe chani o, juheee!

## Z'Nüni

Hunger hei mr, z'Nüni wei mr  
ässe,  
Hunger hei mr, z'Trinke nid  
vergässe  
Nimm es Stückli Öpfu u chli  
Wurscht  
und es Schlückli Wasser für  
e Durscht



Chlini Füchsli, das si mir  
grosse Hunger, dä hei mir  
üese Tisch dä isch itz deckt  
mir hoffe das es aune schmöckt  
e Guete mitenang!



Nüdeli, Spaghetti  
o i wet i hät i  
sooo ne längi Zipfwurscht  
ä Fläsche Sirup füre Durscht  
u de no es Bettli  
Nüdeli, Spaghetti



### Adiö Lied

Läbet wuhu, läbet wuhu,  
chömet guet hei  
grossi Fuchs, chlini Fuchs  
dicki Fuchs, dünni Fuchs  
gumpi Fuchs, drähi Fuchs  
luti Fuchs, lisligi Fuchs

